

寧海新寧巨志 卷之三

1240.53  
742  
1-6

甯海新甯區志自序

吾區西接天台，東瀕大海，山川鍾秀，人才蔚起。而宋明尤盛。四明全榭山祖望，所謂天台三老，博奧精通，即吾區宋鄉賢舒岳祥、胡三省、劉莊孫三先生也。以台郡之大，而一代宿儒，盡出吾區，亦難矣哉！舒著閩風集二百八十六卷，胡著資治通鑑音註等三百零六卷，劉著易志等九十四卷。而胡著史空絕古今，近世梁啟超等咸稱之。余生長斯區，名勝雁蒼之麓，雁蒼乃岳祥避元亂講學處，一時篤學方聞之彥，如進士胡元叔、孫鈞、趙孟禮、胡三省、大學陳應嵩、劉莊孫等畢集，即刻元戴表元四明袁桷亦遠來從遊。人文之盛，東南無比。余每解職返里，瞻仰芳躅，輒思鄉人之不好學，數百年斯文墮地，無能振之者，此先賢地下之憾，而吾鄉後起者之慚也。乙丑秋，承邑令胡南佩秋李沫之命，仿剡源鄉志例，纂新甯鄉志十數卷，徒於二十七年秋，復以鄉父老之促，增刪舊稿，成梅林區志二十餘卷，惜余瀕年浪跡，轉徙無定，又值離亂，稿多散失，居恒心常耿耿。今年夏，舊友刻源俞氏中原區長道過吾家，見余蒐輯鄉邦文獻甚富，遂以區志編纂之責見委。蓋余數纂鄉志，意在揚先徽，詔後進，庶哉學者聞風興起，敬恭桑梓，發揮而光大之。況今故寇臨境，大荼慘焚，深州浩劫，一區文獻，岌岌殆危，加之邑志失修已久，舉凡沿革變遷、風土人情，亦邈無稽考。剡源鄉志屠景曾云：一鄉之人，若能洞悉其鄉之得失利弊及其盛衰沿

革之故舉而措之其鄉必治鄉者國之所由積也鄉之有志猶國  
之有史也覘國者視其史覘鄉者視其志區長俞氏深明及此發  
起編印本區志斯誠知所急務矣因書數言以為序癸未八月

望日

新寧區志目錄

卷首 序 凡例 目錄

卷一 方輿記(一)

名稱 沿革 疆域 面積 戶口

卷二 方輿記(二)

山脉

卷三 方輿記(三)

河流

卷四 方輿記(四)

鄉村 氣候

卷五 建置記(一)

署所 學校 交通 市集 砦堰 橋梁 路亭

卷六 建置記(二)

祠廟 寺觀 教堂

卷七 博物記(一)

植物

卷八 博物記(二)

動物 礦物

卷九 食貨記(一)

農業 (畜牧附)

林業 (狩獵附)

漁業

卷十 食貨記(二)

工業 商業

卷十一 選舉表(一)

卷十二 選舉表(二)

卷十三 選舉表(三)

卷十四 禮俗考

卷十五 方言考

卷十六 藝文考

經部 史部 子部 集部

卷十七 金石考

碑碣 摩崖 甃甃

卷十八 古蹟考 附宅墓坊表

卷十九 名勝考

卷二十 先賢傳(一)

專傳

卷二十一 先賢傳(二)

類傳(一) 考友 義烈 宦業 師儒 學術 文藝

卷二十二 先賢傳(三)

類傳(二) 一行 耆德 隱逸 方技

卷二十三 寓賢傳

卷二十四 列女傳(一)

賢母 壽母 孝女 烈女 孝婦 烈婦

卷二十五 賢婦 壽婦 才媛

列女傳(二)

卷二十六 方外傳

卷二十七 雜記

古今記事年表

卷二十八 文徵

內編

卷二十九 文徵

外編

卷三十 地圖

新寧區志卷一



方輿記(一)

寧海干人俊纂

沿革 名稱

本區宋明時稱新寧鄉。隸北里二。曰仙人善政都。七。曰一都。二都。三都。四都。五都。六都。七都。至清雍正改置莊村。凡十六。曰江瑤莊。橋棚莊。洪家莊。石家莊。樟樹莊。西塾莊。團塢莊。長洋莊。大蔡莊。裏澳莊。深則莊。中胡莊。龍宮莊。馬嶼莊。方前莊。塢胡莊。迨宣統時自治區成立。本區名曰新寧鎮。劃出七都舊地方。前塢胡二莊。于成文鄉。而以朱開鄉八都舊地。是溪莊。劃入。共十五莊。即俗所稱裏七(長洋。大蔡。裏澳。深則。中胡。龍宮。馬嶼)外八(江瑤。橋棚。洪家。石家。樟樹。西塾。團塢。是溪)也。民國十六年。國民革命軍奠都南京。改置鄉保制。本區十七年至廿三年。裏七莊改為十六鄉。外八莊改為十七鄉。舊七都地改為四鄉。民國廿四年。復編為十六鄉。曰方嶼。是溪。江瑤。橋棚。五市。石莊。樟樹。西塾。團塢。深則。長洋。大蔡。中胡。裏澳。龍胡。馬嶼。民國二十八年四月一日。又編編為成文。紫溪。西塾。香山。長大。深則。裏忝。龍胡。馬嶼。九鄉。並將舊八都地之梅林街鄉。劃入成文鄉。名曰寧海第四區。三十年一月。始稱曰新寧區。三十一年。又併龍胡。馬嶼。二鄉。名曰三者鄉。本區遂定為八鄉。三十一年五月。日寇由奉化竄擾本區。長大。三者各鄉。同年十二月。新嶸股匪王鼎三。股竄擾深則。裏忝。縣長方引之。為加強下層組織。呈

准設立新寧區署于深洲。次年四月一日正式組織成立。此本區沿革大略也。

位置 疆域 面積

本區為寧海縣屬五區之一。位當邑之西北。北以柵墟嶺、童公嶺、杉樹嶺、嶺樹嶺界奉化縣境。西以第一尖山、蘇木嶺界新昌、天台縣境。東瀕鐵江，與石應鄉加爵科相望。東南以沙帽山界石應鄉。南以題樹嶺界官莊鄉。相見嶺界羊鳳鄉。鹿頭窠、前山嶺界留黃鄉。面積約一三三八方里。爰將各鄉境界面積列后。

一、成文鄉。東至石應鄉。南至泉竹鄉。西至三省鄉。北至紫溪鄉。面積共約二七九方里。

二、香山鄉。東至西塾鄉。南至紫溪鄉。西至長大鄉。北至奉化縣境。面積共約九一方里。

三、紫溪鄉。東至海南。南至成文鄉。西至三省鄉。長大鄉。北至香山西塾二鄉。面積共約一一七方里。

四、西塾鄉。東北奉化為界。西南紫溪鄉為界。東南隔海與石應鄉為界。西北香山鄉為界。面積共約四八方里。

五、三省鄉。東至成文鄉。南至留黃鄉。西至馬岙鄉。北至長大鄉。面積共約三九〇方里。

六、長大鄉。西至裏泉鄉。東至香山鄉。東南至三省鄉。西北至奉化縣交界。面積一三〇方里。

七、裏裏鄉東至長大鄉南至舊洋州鄉西至舊龍胡鄉北至奉化境面積共約一六六方里。

八、馬裏鄉東至三省鄉龍宮村南至留黃鄉西至天台華峯鄉及新昌五中鄉北至奉化大公畝面積共約一一七方里。

### 戶口

本區戶口總數據民國三十一年縣政府統計戶數為一一四一四戶口數為五〇三九八人茲將各鄉戶口數列后。

- 一、成文鄉共一八四三戶七三四七人。
- 二、香山鄉共一一五九戶四五六三人。
- 三、紫溪鄉共一四六二戶六二四一人。
- 四、西塾鄉共一五八一戶六六〇五人。
- 五、三省鄉共一八四二戶七三三八人。
- 六、長大鄉共一三〇九戶五七四〇人。
- 七、裏畚鄉共一四三〇戶六一二五人。
- 八、馬裏鄉共七八八戶三九五九人。



新寧區志卷二

方輿記二

寧海干人俊纂

山脉

(綱)一北幹遙遠本區北境為寧奉界山。

自第一尖山又名鎮亭山東八里經橫溪嶺至石壁山其南分  
曰臺茅山其北五里經花山至白巖山山之東南出徑路田嶺  
至石塔山山之北折而東八里經王家嶺張子嶺曰黃榜山其  
東南經英風嶺為朝山。

自朝山之南曰紅巖山至硤石門而盡西南至小姑嶺東南至  
伏虎山。

為嘗坑山折而南三里經風蓮山曰白巖山分支二其東南出  
曰貓嶺其東北出曰杉樹嶺。

自貓嶺東下為嶺棟復起曰蓮花峯其東出為香巖山山之東  
南迤東北經千丈巖至鳳凰山山之東經白竹岡曰穀堆山山  
之北分曰瀾風山曰花架山蓮花峯之西南出曰華坑山蓮花  
峯之南出曰金鋼山山之東分曰大清山山之南曰西尖山其  
西南曰雁蒼山其東經羊角峯迤東南而東北曰天女峯峯之  
北出經寬狼巖曰天馬山其西有紫溪洞天女峯之東南勢下  
度石門復起為楊梅嶺塔錐嶺至婪槎山又東北經皂浦嶺入

黃墩區

自杉樹嶺東北迤東南經童公嶺箬帽嶺至天門山其南出經鐵場嶺曰東山又經萬步嶺至石屏山而盡天門山之東北出經柵壩嶺至蒼菸山其東下而起曰月浦山其東南經白蒿嶺曰雷公山至團塹莊入鉄江江中有二嶼曰石孔雙山

二南幹 綿亘區南為本區與拱台正學二區界山

自蘇木嶺至三坑山之東經雙峯山曰前山嶺嶺之西北曰牛腹山嶺之東南經西坑矣曰白巖岡勢下而跌宕復起獅徑山嶺之東北分曰台屏山

自蘇木嶺西北四里曰花崑崙山其東南分曰攀姆山至馬

塢其東北四里至第一尖山分支三其西北支入寧紹為寧紹

二府之界山其東北支鎮邑之西北界奉化其東支八里經洩

頂山至柔樹岡山之南分曰軍山山之東北經上明嶺曰花尖

山之東二里曰太陽山又南四里經鐵嶺曰龍鬚山其右曰

月山其左旋經芝麻岡曰桶坑山其中出東南三里曰員寶山

山之東經周家嶺為硤石門山至洋則莊山之南分曰九斗山

自鹿頭尖東北五里曰薌山其西北出經避水嶺至郭尖嶺

而盡其東南六里經吳淞山至望海尖其東分曰道冠山至牛

頭嶺而盡

自望海尖二里曰白龍潭山東南六里經筆架岩曰相見嶺

分支二，嶺之東北六里，度題樹嶺，曰觀音山，其東北行曰博空山，東下而起曰紗帽山，觀音山之北，勢下而起曰伏虎山，又起曰屏峯山。

(目)第一尖山 縣西北三十九里，為寧紹台三府界山，浮溪發源於此(宣統府志)

橫溪嶺 在第一尖山東北，為寧奉界嶺(邑志圖)

石壁山 縣西北三十八里，高三百一十丈，與奉化接界(府志)

堂茅山 縣西北三十六里，下有岡岩潭，明建文移祚時，孝孺慘死，張御史崑聞而自溺於此(府志)民國十人後癸未秋登堂茅山詩，大節凜然在年<sup>百</sup>如昨秋，家山留偉蹟，我輩每登遊，木落

思堂遠，天寒門壑幽，張公碑尚在，讀罷涕泗流。

花心山 在堂茅山北五里(府志)

白岩山 縣西北四十二里，在柘坑村西(府志)

路田嶺 在石壁山東南(府志)

獅徑山 在路田嶺東(邑志圖)

石塔山 在路田嶺東南，裏衣莊在其下(府志)

張子嶺 在白岩山東北(邑志圖)

黃榜山 縣西北四十一里，與奉化接界(府志)

望海尖 在黃榜山西(記)清徐晚華尖峯望海詩，紫外青

山起峻巔，登峰眺望，海聯綿，分明漁父樓，芳岸彷彿舟人泛彩

船日盡島間知有國。眼窮波外恐無天。村居幸得高岡在。不怕  
雲山萬里連。清魏凌雲詩。層峯聳秀勢重。好是神工削此峯。  
極目憑臨滄島外。登門驚起一潛龍。

烏岡 在獅徑山東(邑志圖)民國干人俊烏岡詩。深山無宿糧。  
為何苦且住。只因炎氣感。逃此盡反哺。

仙人頂 在望海尖西。清徐晚華詩。頂上平。絕俗埃。仙翁到  
此任徘徊。崖痕新。霞橫棋局。壑韻流。時泛酒杯。碧水桃花猶洞  
口。片雲捲石勝天台。領進劉阮當年事。仙子盤桓去復來。清魏  
凌雲詩。一頂平。夷萬象。呈烟雲隱。隔林生。振衣欲覽無人境。  
便是仙家白玉京。

英風嶺 在黃榜山東(府志)

朝山 縣西北三十七里。南為大蔡村(府志)民國干人俊大蔡  
村詩。春暖草坡耕。上下燕飛斜。蒼路高低。風光欲把剡溪比。巖  
樹垂楊。巖曲迷(後北百詠)又干人俊遊朝山宴吾生家詩。山以  
朝陽日暖春久。木黍離。煙村八九。老翁見客。迎以濁酒。自云  
鑿耕帝力何有。短布單衣。廩底是友。山中無歲。松柏同守。

紅岩山 縣西三十三里(府志)

雞肫山 在紅岩山東南(邑志圖)

月星山 在紅岩山東。洋則隔水蒼後(記)清胡宏濤月角鐘  
聲詩。月缺山如缺。洪鐘聽有聲。更殘人易覺。境窄韻彌清。身在

老峯倚，魂從古寺驚。何須楓岫上，霜降响初鳴。

小姑嶺 在紅岩山西南（府志）民國干人後小姑嶺即句詩小

姑出小姑還小姑嶺上守雲閣守雲閣耐歲艱採薇種木老青

山老青山遠塵闌竹外梅花點，崖前流水潺，千古共閑。

伏虎山 在紅岩山東南長洋莊在其下有大乘庵（府志）清郭

守氏虎岫松風詩到耳渾疑虎嘯風誰知天籟起長松花邊香

帶琴三疊石上涼生殿九重爽氣只宜宏景領熟腸悔受始皇

封名山畢竟多奇險白額將軍認舊容（愚山集）

大羽山 在伏虎山北（記）清郭守民長洋雜咏何處飛來

大羽山仙人化去白雲間梯田萬級蛙爭上石柵千年鶴不還

魚山 在伏虎山東長洋溪中孤嶼秀起一若魚然（記）清

郭守民魚山竹雨詩此君報到雨濛濛，金尾銀鱗 躍間未許

王孫竿影動欲添帝子淚痕斑淋漓好字畫千个灑落真珠走

一溪莫向東阿傳梵唄家鄉亦自有魚山民國干人後詩曲

長川孤嶼奇是鯨是鯉費猜思一宵春雨漲溪岸知是鯽魚欲

上陂

板坑嶺 一名嶺徐嶺在黃榜山東北二里（府志）為寧奉界嶺

飛龍山志宋舒岳祥板坑頭上籃輿烟雨中賦此醒困詩下眺

黃泥阪濛濛曉霧漫岩泉時一滴松雨歲曾乾利信鹽為市耕

勞石作田我來聊小憩前路千難（國風集）清徐煥界嶺松風

詩虬偃龍盤嶺上松。猴城北界剡川東。濤声浪起知天籟。屢擬張  
琴和此中。民國干人後。己巳冬。过板坑嶺。即景詩。歲暮騎驢过嶺  
頭。梅放早。巉岩幽澗邊。疎影橫枝好。(盤溪草)

黃頂山 縣東北四十三里。其東為夏樟村。與奉化接界。(府志)最  
高處名華頂尖。民國干人後。華頂尖詩。絕頂尋吟歲度來。每因思  
義想天台。風光豈讓華峰好。春到先開嶺上梅。(猴北百詠)

高嶺岡 在黃頂山東。嶺北即奉化境。(府志)民國干人後。己巳偕  
弟人訓。过高嶺岡詩。書劍飄零二十春。猶偕予季作遊人。嶺雲見  
我應相笑。出沒山河寄此身。

印山 在高嶺岡南。東山村東。(邑志圖)

朱山 在高嶺南。大蔡象澗北。(記)民國干人後詩。一片彤雲溪  
北斜。看山何必赤城霞。想是葛仙間興足。漫墜丹葉賽桃花。

曹坑山 在高嶺東。距黃頂尖山六里。在大蔡莊北。(府志)

良坑岡 在曹坑山東。(飛龍山志)宋舒岳祥过良坑岡東望滄海  
隱。見漁村有感時。避地者多浮海云詩。平陸人烟險。漁舟家口  
肥。青天圍籥笠。白雨澣蓑衣。靜釣鷗分石。寒歸雪滿扉。磻溪有限  
事。嚴瀨本忘機。(國風集)

白岩山 縣北四十一里。在梁坑村北。(府志)

貓嶺 在白岩山東南。(府志)民國干人後。貓嶺詩。貓亦畏虎猛。  
來此深山伏。幸貓早知機。不教虎爬木。

嶺棟 在貓嶺東浮溪江瑤橋棚洪家四莊過脈處(府志)

蓮花峰 縣北三十五里以形似名下有潭亦名蓮花(府志)民國

干人俊戊寅詩誰將蜃海作西子培得荷花別樣紅茂叔也應祿

止絕淡粧孤影雨烟中(續北百詠)

赤福山 在蓮花峯東(邑志圖)

鶴鴿尖 在蓮花峯北俗名蒲姑尖(邑志圖)民國干人俊鶴鴿尖

詩炎々日當午惟女起喚雨竹姑々竹姑々遍天下草乾枯

香巖山 詳名勝考

閩風山 詳名勝考

穀堆山 在香岩山東(邑志圖)

常羊峯 在閩風山西(邑志圖)民國干人俊遊常羊峯詩常羊高

蔽日路險試杖履骨勇造其巔徜徉情何已身其飄々兮天地無

涯淡白雲足下生衆山眼底止蘭杜香可採松柏貞欲比隱滄既

有託塵緣長已矣吾欲追商山逍遙把景擬

花架山 縣北三十八里三峯橫連漫山皆花故名今名官園山

下為洪家莊有唐諫議大夫洪經倫廟(府志)清洪式琮花架春深

詩春山二月鬥繁華乘興尋幽一徑斜淺綠深紅花滿架芳菲絕

勝四娘家(洪家譜)民國干人俊戊寅詩官園秋老亂啼鴉三岫橫

連一徑斜春日不來空有架錯教紅葉是山花(續北百詠)

牛山 在赤福山東下為蔡家村(邑志圖)民國干人俊牛山詩力